

M145: gereimtes Messgebet 'Vater herre, vater got'

0,1 vater hêrre vater got
0,2 nû sîn wir hier in dînem gebote
0,3 dâ man dir opfert dînen sun
0,4 als dû uns hêrre hieze tuon
0,5 dô dû begienges den antlâz
0,6 dîn barmunge des niht vergaz
0,7 si en teilte mit uns des lebenes brôt .
0,8 dû beschiede uns selben dînen tôr
0,9 als wir in hiute hier begên
0,10 alle die mit uns hier stên
0,11 in der gemein der kristenheit
0,12 unser klage und unser leit
0,13 lâ dir hêrre erbarmen
0,14 hilf den vile armen
0,15 die in den wîzen sint begraben
0,16 und anders trôstes niene haben
0,17 wan dîner genâden gûete .
0,18 unser aller gemüete
0,19 rihte an dîn minne
0,20 daz unser herzen sinne
0,21 dich rehte erkenne als dû bist
0,22 durch dînen sun den heiligen Krist
0,23 des lîchnam man wandelt hier
0,24 als er an den kriuze hienc
0,25 mit dem tôde den er leit
0,26 durch die heiligen kristenheit
0,27 dô er daz rehte bluot vergôz .
0,28 dîn barmunge ist sô grôz
0,29 daz die nieman mac volsagen .
0,30 dâr umbe sulen wir niht verzagen .
0,31 daz wir in den sünden sîn geboren .
0,32 ze vogete hân wir dich erkoren
0,33 vûre des vîndes meinen rât
0,34 von unser grôzen missetât
0,35 solt dû uns hêrre liuteren gar .
0,36 nim ouch genædelîchen wâr
0,37 dîner vile siechen lider getuo
0,38 uns gesunt widere

- 0,39 daz wir ze jungest an im erstên
0,40 des marter wir alhier begên
0,41 sô daz wir mit im werden eine
0,42 gevallen ûf den eggestein
0,43 ûz dem diu wâriu sunne erschein .